

說
郭

正五十一

12
6
51



412
6
51



說邪目錄

弓第五十一

卓異記 李翱

翰林志 李肇

續翰林志 蘇易簡

翰林壁記 丁居晦

御史臺記

上庠錄 呂榮義

鳳池曆 上官昭容

關



唐科名記

高似孫

五代登科記

韓思

趨朝事類

紹熙行禮記

周密

上壽拜舞記

陳隨隱

封禪儀記

馬第伯

明禋儀註

王儀

梁雜儀註

段成式

婚雜儀註

段成式

朝會儀記

蔡質

稽古定制

卓異記序

翱所著卓異記唐皇帝功瓌特奇偉前古無可比倫
及臣下盛事超絕殊常揮昔而照今貽謀紀述家世
徽範奉上度密不自顯發人莫知之至有誤爲傳說
者洎正人碩賢守道不撓立言行已真貫白日得以
愛慕遵楷其奸邪之迹覩而益明自廣利隨所聞見
雜載其事不以次第然皆是儆惕在心或可諷歎且
神仙鬼怪未得諦言非有亦用俾好生殺爲人一途
無害於教化故貽自廣不俟繁書以見意時開成五

年七月十一日子在檀溪叙

卓異記目錄

敘封禪併兩朝

兩卽帝位

平賊同日

三聖子皆登帝位

相有二親

三代爲相

三拜中書令

三十二年居相位

二十七年背相印

代妻父爲節度

與妻父同時爲相

與使主同時爲相

三拜左僕射

父子同時爲節度使

兄弟爲禮部侍郎

子弟四人皆任節度



兄弟皆掌記

四代掌綸誥

座主見門生知舉

起家二年為丞相

與同列子為丞相

父子皆同揚州再入相

文士為文元功六拜正司徒兼侍中中書令

門生先佩金紫

門生撰座主白麻

三代中書舍人拜侍郎

目錄終

卓異記

唐 李翱

敘封禪併兩朝

高宗皇帝麟德三年正月一日有事于泰山玉牒文
 曰嗣天子臣治敢昭告于昊天上帝有隋位極顛危
 天數窮否生靈塗炭鼎祚淪亡高祖仗黃鉞而救黎
 元錫玄珪而拯沉溺太宗功宏鍊石定區宇於再麾
 業壯斷鼇飲滄溟而一息臣忝奉餘緒承威積慶遂
 得崑山寢燎炎海韜波雖業茂宗祧斯實降靈穹昊



今謹告成東嶽歸功上玄大寶克隆鴻基永固凝薰
萬姓陶化八紘又玄宗有事於泰山開元十三年玉
諫文曰有唐嗣皇帝臣隆基敢昭告於昊天上帝天
啓李氏運興土德高祖太宗受命立極高宗昇平六
合殷盛中宗紹復繼體丕定上帝眷祐錫臣中武底
緩內難推載聖父恭承大寶十有三年敬若天意四
海晏然封紀泰岳謝成于天子孫百祿蒼生受福謹
按自麟德三年至開元十三年凡五十四年祖宗封
禪自古帝王無有倫比

兩卽帝位

中宗皇帝弘道元年二月六日皇太子卽位嗣聖元
年二月八日降廬陵王聖曆元年九月十五日卽册
爲皇太子神龍二年正月二十四日重卽帝位謹按
中宗皇帝卽位後復爲皇太子又重紹寶位昇降兩
度自古無比昭宗皇帝龍紀元年三月十三日自壽
王卽位至光化三年十一月三日遷爲太上皇至天
復元年正月一日返政郤卽帝位自古未有

平賊同日

皇朝通志
憲宗皇帝朝元和元年十一月一日斬劉闢西川之亂元和十二年十一月一日斬吳元濟淮西之亂元和二年十一月一日斬李錡浙西之亂憲宗誅三賊皆同月同日自古無等

三聖子皆登帝位

穆宗皇帝聖子三人敬宗長慶四年正月十三日卽帝位文宗寶曆二年十二月十三日卽位武宗開成五年正月十四日卽位謹按穆宗有聖子三人皆有天下詳求正史未有比倫或曰高羊兄弟三人亦皆

卽位如何對曰皇唐仗義舉旗拯時之亂承隋致禪光有八紘安得以區區北齊偏方閏位弱才稚立欲相侔埒况高歡乃魏廐剪馬之賤追封爲尊安得比我穆宗十二葉之嗣君也

相有二親

代國郭元振謹按李邕撰行狀云自我有唐受宰相臣未有二親存者唯元振而已

三代爲相

河東公張嘉貞子延賞賞子弘靖按漢書韋平繼嗣

爲丞相者若今之張氏三代無比

三拜中書令

燕國張說按中書故事本云說三拜此命終始無玷
自古未有

三十二年居相位

梁國公房玄齡按玄齡初與杜如晦爲友屬隋室喪
亂未嘗不慨然相顧有匡國濟時之心雖徒步風塵
未嘗自失不得已而調集吏部高孝基有知人之鑒
見玄齡嗟嘆謂裴矩曰僕閱人多矣未見此賢及唐

師至渭北玄齡卽仗策詣於軍門秦王一見引爲謀
主一屈居相位三十二年而終自古未有

二十七年背相印

汾陽王郭子儀按子儀至德元年自朔方前節度使
加庫部尚書同中書門下考二十四自古未有

代妻父爲節度

韋臯張延賞按韋臯初自鳳翔判官殿中侍御史權
領隴州立殊功拜節度使及朱泚平入爲右金吾將
軍時延賞已爲西川矣四年之代領茲鎮士林之中

近古未有

與妻父同時為相

杜黃裳韋執誼初黃裳為相時執誼自吏部郎中賜
緋紫直及平章事自近古未有

與使主同時為相

杜佑權德輿牛僧孺李珣按德輿杜公神道碑云早
忝賓席晚聯合座時牛公自中書侍郎出鎮武昌辟
珣為書記始授殿中侍御史其後十餘年間珣已為
戶部侍郎平章事時牛公自右僕射再入為相正其

珣同列相庭當代以為盛矣

三拜左僕射

彭原公李程按李程自河中節度使入拜左僕射自
武德至長安四年已前兩度拜左僕射為正丞相其
後以南省事踈方帶平章之號然非耆德碩老有嘉
名者莫得居之焉程由是故相巨鎮三年此官不支
於右振古為盛矣

父子同時為節度使

韓弘

汴州

公武

鄜州

田弘正

魏博

布

涇原

按韓弘田弘正兩人

皆稱有功憲宗英特為兩家父子同時為節度使或曰當代為美又曰王智興河中子晏平靈武亦皆同時何不具載對曰王智興逐崔羣劫徐州晏平用賄十萬貫取朔方其未久又坐賊貶永州司戶固不足以編之

兄弟三人為禮部侍郎

崔邠鄆按國紀以文章取事儀曹選之以登第吏部得補官方帥因之以奏請丞相因之除授不由吏官之擇雖詞人無階級可進故禮部之重根本如是

崔邠鄆兄弟二人皆任此官斯為卓異

子弟四人皆任節度

西平王李晟有子四人愿夏徐歧下蒲憲廣州愬隨襄歧徐魏聽

夏靈并滑州按李晟收城之功皎如白日其後四子皆秉

節麾大忠所庇斯聖神之報應也

兄弟四人皆任掌記

盧簡能夏州簡辞河孟弘正昭義簡求鄂州按使下書記必擇

有文學得時稱者任之盧簡能兄弟四人並當嘉選時亦無比

四代掌綸誥

張嘉貞延賞弘靖次宗從嘉貞至弘靖掌綸誥繼世人以爲冠古絕今次宗又拜焉前古未有士林稱之座主見門生知舉

蕭昕杜黃裳楊嗣復柳璟李璟讓薛耽按故事考功員外知貢舉自開元中以外郎權輕遂命禮部侍郎主之邇來取士益以爲重而座主見門生知舉猶蕭杜二家若嗣復與璟又是禮部侍郎璟首及第纔十六年致仕春官尤以爲美

起家二年爲丞相

張鎬按獨孤及撰張鎬神道碑云一命左拾遺二命右補闕三命侍御史四命諫議大夫五命中書侍郎平章事起家二年秉國鈞自古未有

與同列子弟爲丞相

宋璟與蘇瓌子頴同時爲相按蘇頴除紫微侍郎平章事時璟歎曰吾與蘇家父子同時爲丞相至如寬厚博物僕射亦有之若正直賢明則頴過其父推此爲論繼代爲相有如此頴與其父同秉衡者古無所

聞璟初其其父比肩又與其子同列如璟年德重久居台位又無其比

父子皆自揚州再入爲相

李吉甫子德裕按國朝繼世爲相者數子唯吉甫德裕皆自揚州節度再入爲相則無其匹況吉甫以忠明博達事憲宗德裕以清直無黨事武宗今上踐祚起而用之與蘇瓌父子相望爲優劣況頰不再相再相者則德裕之盛爲難及也

文士爲文元功六拜正司徒兼侍中中書令

晉國公裴度按裴公進士及第宏詞登科歷中書舍人御史中丞刑部侍郎叶贊憲皇平蕩宿寇爲盜憎入朝遇劫不能傷遂拜相前後爲小人害其才橫議以惑上者多矣故其詩曰灰心緣忍事霜鬢爲論兵竟自爲蔡州節度使至郟城三師兵不敢逗撓纔四十日擒吳元濟以獻明年平鄆州分青州兗州爲三道用韓弘父子田弘正父子兩家同時爲鎮皆掌強兵自古無之太和五年冊拜司徒兼侍中其年又拜河陽後二年又拜畱守洛陽又拜司徒中書令仍依

舊居守一年又拜畱守太原一年又拜入輔凡六拜
焉當廷以侍中中書令爲正相艱難以來以寵用武
臣如公文業發身戎功佐主削平巨寇致位上台以
台德終始於大位者近古儒生無比也

門生先爲座主佩金紫

李石按石元和十三年及第後二年賜緋後二年賜
紫自釋褐四年之內服金紫量之前輩實無其比至
長慶二年座主庾公內難服闋徐尚書右丞始賜紫
綬石乃選紫衫金印以獻議者榮之

門生爲翰林學士撰座主白麻

薛廷老按玄宗初置翰林待詔尋改爲學士以備顧
問祇對而已代宗登極并領詔誥每授相除將不由
外制德宗之代尤難其選凡及第之人入者甚衆或
座主先逝而不見或座主官位而不及于內廷之制
者唯廷老翰林時座主庾公拜交海節度廷老爲門
生得爲麻制時代榮之

三代自中書舍人拜侍郎

燕公張說

自中書舍人
拜工部侍郎

子均

自中書舍人
拜禮部侍郎

孫濛

自中
書舍

人拜禮部侍郎按張公三代自中書舍人拜侍郎奕世無比
特號爲佳美者

翰林志

唐李肇

昔宋昌有言曰所言公公言之所言私王者無私夫
翰林爲樞機密宥之地有所慎者事之微也若制置
任用則非王者之私漢制尚書郎主作文書起草更
直于建禮門內臺給青縑白綾或以錦被帷帳氈褥
畫通中枕大官供食湯官供餅餌五熟果五日一美
食下天子一等建禮門內得神仙門內得光明殿神
仙殿自門下省中書省蓋以今翰林之制略同而所

掌輕也漢武帝時嚴助朱買臣吾丘壽王司馬相如
東方朔枚臯之徒皆在左右是時朝廷多事中外論
難大臣數詘亦其事也

唐興太宗始于秦王府開文學館擢房玄齡杜如晦
一十八人皆以本官兼學士給五品珍膳分爲三番
更直宿于閣下討論墳典時人謂之登瀛洲貞觀初
置弘文館學士聽朝之隙引入大內殿講論文義商
較時政或分夜而罷至玄宗置麗正殿學士名儒大
臣皆在其中後改爲集賢仙殿亦草書詔至翰林置

學士集賢書詔乃罷

初國朝修陳故事有中書舍人六員專掌詔誥雖曰
禁省猶非密切故溫大雅魏徵李百藥岑文本褚遂
良許敬宗上官儀時召草制未有名號乾封已後始
曰北門學士劉懿之劉禕之周思茂元萬頃范履冰
爲之則天朝蘇味道韋承慶其後上官昭容獨掌其
事睿宗則蘇稷賈膺福崔湜玄宗初改爲翰林待詔
張說陸堅張九齡徐安貞相繼爲之改爲翰林供奉
開元二十六年劉光謹張垧乃爲學士始別建學士

院于翰林院之南又有韓紘閻伯輿孟匡陳兼李白
蔣鎮在翰林院雖有其名不職其事

已後翰林始兼學士之名代宗初李泌爲學士而今
璧記不列名氏蓋以不職事之故也

案六典中書掌詔旨制勅璽書冊命皆案典故起草
進書其禁有四一曰漏洩二曰稽緩三曰遺失四曰
忘誤所以重王命也制勅旣行有誤則奏而正之凡
王命之制有七一曰冊書立后建嫡封樹籓屏寵命
尊賢臨軒備禮則用之二曰制書行大典賞罰授大

官爵釐革舊政赦宥降慮則用之三曰慰勞制書褒
贊賢良勸勉遣勞則用之四曰發白勅增減官員廢
置州縣徵兵發馬除免官爵授六品已下官處流已
上罪並用之五曰勅旨爲百司丞旨而爲程式奏事
請施行者則用之六曰論事勅書慰諭公卿誠約臣
下則用之七曰勅牒隨事承旨不易舊典則用之又
荅疏于王公則用皇帝行寶勞來勳賢乃用皇帝之
寶徵召臣下則用皇帝信寶荅四夷書則用天子行
寶撫慰蠻夷則用天子之寶發番國兵則用天子信

寶並甲令之定制也近朝大事直出中禁不由兩省不用六寶並從權也元和初置書詔印學士院主之凡赦書德音立后建儲大誅討免三公宰相命將曰制並用白麻紙不用印雙日起草候閣門鑰入而後進書隻旦日寮立班于宣政殿樞密使引案自東上閣門出若謫宰相則付通事舍人矩步而宣之機務要速亦用雙日甚者雖休假追朝而出之凡賜與徵召宣索處分曰詔用白藤紙凡慰軍旅用黃麻紙並印凡印批荅表疏不用印凡太清宮道觀薦告詞文

用青藤紙朱字謂之書詞凡諸陵薦告上表內道觀歎道文並用白麻紙雜詞祭文禁軍號並進本凡將相告身用金花五色綾紙所司印凡吐蕃贊普書及別錄用金花五色綾紙上白檀香木珍珠瑟瑟鈿函銀鑲廻紇可汗新羅渤海王書及別錄並用金花五色綾紙次白檀香木瑟瑟鈿函銀鑲諸蕃軍長吐蕃宰相廻紇內外宰相摩尼已下書及別錄並用五色麻紙紫檀木鈿函銀鑲並不用印南韶及大將軍清平官書用黃麻紙出付中書奉行却送院封函

與迴紇同凡畫而不行藏之函而不用者納之
凡參議奏論撰述注釋無定名奏復無晝夜凡徵天
下草澤之士臨軒策試則議科設問覆定與奪凡受
宣有堂曆自記有承旨簿記大抵四者之禁無殊而
漏泄之禁爲急天寶十二載安祿山來朝玄宗欲加
同中書平章事命張垠制不行及其去也怏怏滋甚
楊國忠曰此張之告也遂貶廬溪郡司馬兄均建安
郡太守弟叔宜春郡司馬德宗雅尚文學注意是選
乘輿每幸學士院顧問錫賚無所不至御饌珍肴輟

而賜之又嘗召對于玉堂移院于金鑾殿對御起草
詩賦唱和或旬日不出吳通微昆季同時擢用與陸
贄爭恩不叶甚于水火天下醜之貞元三年贄上疏
曰伏詳今式及國朝典故凡有詔令合由于中書如
或墨制施行所司不須承受蓋所以示王者無私之
義爲國家不易之規貞觀中有學士一十八人太宗
聽朝之餘但與講論墳籍時務得失悉不相干實錄
之中具載其事玄宗末方置翰林張垠因緣國親特
承寵遇當時之議以爲非宜然止于唱和文章批荅

表疏其于樞密輒不知肅宗在靈武鳳翔事多草創
權宜濟急遂破舊章翰林之中始掌書詔因循未革
以迄于今歲月滋深漸逾職分頃者物議尤所不平
皆云學士是天子私人侵敗綱紀致使聖代虧至公
之體宰相有備位之名陛下若俯順人情大革前弊
凡在詔勅悉歸中書遠近聞之心稱至當若未能變
改且欲因循則學士年月校深稍稍替換一者謗議
不積二者氣力不衰君臣之間庶全終始事關國體
不合不言疏奏不納雖徵據錯謬然識者以爲知言

貞元末其任益重時人謂之內相而上多疑忌動必
拘防有守官十三考而不遷故當時言內職者榮滯
相半及順宗不憚儲位未立王叔文起于非類竊學
士之名內連牛美人李忠言外結姦黨取兵柄弄神
噐天下震駭是時鄭綱爲內庭之老首定大計今上
卽位綬綱中書侍郎平章事初姜公輔行在命相及
就第而拜之至李吉甫除中書侍郎平章事適與裴
垠同直裴垠草吉甫制吉甫草武元衡制垂簾揮翰
兩不相知至暮吉甫有歎惋之聲垠終不言書麻尾

韓本志
之後乃相慶賀禮絕之敬主于座中及明院中使學士送至銀臺門而相府官吏候于門外禁署之盛未之有也

凡學士無定員皆以他官充下自校書郎上及諸曹尚書皆爲之所入與班行絕跡不拘本司不繫朝謁常參官二周爲滿歲則遷知制誥一周歲爲遷官則奏就本司判記上月日北省官宰相送南省官給舍丞郎送上興元元年勅翰林學士朝服序班宜准諸司官知制誥例凡初遷者中書門下召令右臺門候

占其日入院試制書答共三首詩一首自張仲素後加賦一首試畢封進可者翌日受宣乃定事下中書門下于麟德殿候對同院賜宴營幕使宿設帳幕圖褥尚食供饌酒坊使供美酒是爲勅設序立拜恩訖候就宴又賜衣一副絹二十疋飛龍司借馬一疋旬日又進文一軸內庫給青綺錦被青綺方褙青綾單帕漆通中枕銅鏡漆奩象篋大小象梳漆箱銅染羅銅觥椀紫絲履白布手巾畫木架床鑪銅案席氍毹之類畢備內諸司供饌飲之物主膳四人掌之內園

官一戶三人以供使令其所乘馬送迎于擗仗門內
擴門之西度支月給手力資四人人錢三千五百四
品已上加一人每歲內賜春服物三十疋暑服物三
十疋綿七屯寒食節料三十疋酒館杏酪粥屑肉餽
清明火二社蒸饌端午衣一副金花銀器一事百索
一軸青團鏤竹大羽一柄角糲三服沙蜜重陽酒館
粉糕冬至歲酒兔野鷄其餘時果新茗瓜新曆是爲
經制直日就須授下直就第賜之凡內晏坐次宰相
坐居一品班之上別賜酒食珍果與宰相同賜帛二
十疋金花銀器一事貞元四年勅晦日上巳重九節
百寮宴樂翰林學士每節賜錢一百千其日奏選勝
而會賜酒脯茶果明年廢晦日置中和節宴樂如之
非凶年旱歲兵革則每歲爲常
凡正冬至不受朝俱入進名奉賀大忌進名奉慰其
日尚食供素饌賜茶十串
凡郊廟大禮乘輿行幸皆設幕次于御幄之側侍從
親近人臣第一御舍元殿丹鳳樓則二人于宮中乘
馬別駕出殿門徐出就班大慶賀則俱出就班

凡當直之次自給舍丞郎入者三直無俸自起居御史郎官入五直一俸其餘雜入者十直三俸新遷官一直服價名于次之中減半著爲別條例題于北壁之西閣

凡交直候內朝之退不過辰巳入者先之出者後之直者疎數視人之衆寡事之勞逸隨時之動靜凡節國忌授衣二分田假之令不霑有不時而集併夜而宿者或內務不至外喧巳寢可以探窮理養性浩然之氣故前輩傳楞伽經

函在屋壁每下直出門

相謔謂之小三昧出銀臺乘馬謂之大三昧如釋氏之去纏縛而自在也北廳前堦有花塼道冬中口及五塼爲入直之候李程性懶好晚入恒過八塼乃至衆呼爲八塼學士

元和已後院長一人別勅丞旨或密受顧問獨召對賜居北壁之東閣號爲丞旨閣子其屋棟別列名爲政事駕在大內卽于明福門置院駕在興慶宮則于金明門內置院今在右銀臺門之北第一門向牖曰翰林之門其制高大重複號爲胡門入門直西爲學

士院卽開元十六年所置也引鈴于外惟宣事入其北門爲翰林院又北爲少陽院東屋三院西廂之結麟樓南西並禁軍署有高品二人知院事每日晚執事于思政殿退而傳旨小使衣綠黃青者逮至十人更番守曹南廳五間本學士騎馬都尉張垧飾爲公主堂今東西間前架高品使居之中架爲藏書南庫西三間前架中三洞谿設榻受制旨印書詔二時會食之所四辟列制勅例名數其中使置博一局印櫃中間爲北一戶架東西各二間學士居壁之出北門

橫屋六間當北廳通廊東西三間爲藏書北庫其二庫書各有錄約八千卷小使主之西三間書官居之號曰待制北廳五間東一間是丞旨閣子並學士雜處之題記名氏存于壁者自呂問始建中已後年月遷換乃爲周悉南北二廳皆有懸鈴以示呼召前庭之南橫屋七間小使居之分主實牘詔草紙筆之類又西南爲高品使之馬廐北爲寶庫之北小攀廊抵于北廳西舍之南其一門待詔戴小平嘗處其中死而復生因弊爲南向之宇畫山水樹石號爲畫堂次

二間貯遠歲詔草及制舉詞策又北廻而東並待詔居之又東盡于東垣爲典主堂待詔之職執筆視以俟書寫多至五六頁其選以能不以地故未嘗用士人自王伾得志優給頗厚率三歲一轉官有至四品登朝者虛廊油壁多畫怪石松鶴北廳之西南小樓王涯率人爲之院內古槐松玉蕊藥樹柿子木瓜菴羅峘山桃杏李櫻桃紫薔薇辛夷蒲萄冬青玫瑰凌霄牡丹山丹芍藥石竹紫花蕪菁青菊商陸蜀葵萱草紫苑諸學士至者雜植其間殆至繁溢元和十二

年肇自監察御史入明年四月改左補闕依職守中書舍人張仲素祠部郎中知制誥段文昌改司勳員外杜元穎司門員外郎沈傅師在焉是時睿宗文武皇帝裂海岱十二州爲三道之歲時以居翰苑皆謂凌玉清遊紫霄豈止於登瀛洲截亦曰玉署玉堂焉

續翰林志

宋 蘇易簡

太宗曰詞臣實神仙之職也玉堂東西壁悉畫水以布之風濤浩渺瀛洲之象也修篁皓鶴悉置廊廡奇花異木羅植軒砌風傳禁漏月色滿庭真人世之仙境新學士入院上事宜徽告報教設儀鸞宿陳席幕大官備珍饌設上尊酒茗悉至赴是設者止鳳閣舍人餘不得預坐居是職者苟能節用以安貧杜門以省事揆真如之旨養浩然之氣來者瞻望其出處侍

者優假其顏色逍遙卒歲非神仙而何

宋綬字公垂仁宗朝同修國史後其子敏求爲史館修撰父子繼世掌史世以爲榮焉

袁樞字機仲爲編修官分修列傳故相章子厚家以同里宛轉求釋其事公曰吾史官書法不隱寧可負天下後世公議

徐鍇爲虞部員外郎專掌集賢院由此銳意群集不復問家事嘗言集賢院卽是吾家指所居曰此寄宿之所爾

仁宗朝初修起居缺中書擬人而彭乘在選中上指乘曰此儒也雅有恬退名無以易之及召見諭曰卿先朝舊人久補外未嘗自言對曰臣生孤遠自量其分敢過有所望耶上頗嘉之

翰林壁記

唐 丁居晦

靈鵲

學士院有雙鵲嘗棲于西軒海棠枝上每學士會食必徘徊翔集于玉堂之上畧無驚畏因謂之靈鵲或鳴噪必有大詔令或宣召之事

史職

元和十四年史館修撰李翱奏臣謬得秉筆史館以紀錄爲職夫勸善懲惡正言直筆記聖朝功德述忠

韓柳野史
臣賢士事業載奸臣佞人醜行以傳無窮者史官之職也

鈴有聲

李德裕鎮蜀時謂幕賓韋絢云翰林院有懸鈴以備夜直警急文書出入皆引之以代傳呼也長慶中予爲學士時河北用兵一夜鈴有聲如人引其索者使視之則無人後往往如此使人持棒潛伺於下終無所覩而數數鳴動不已院中諸公私共准其鳴時皆應用兵處耗聲則急緩亦如之曾莫之差衆咸異之

元相詩云神撼引鈴索

不草制

崔貽範於鳳翔圍城中據李茂真起復作相僱當草制抗疏論其不可夜半以授翰林院學士使中人馬從皓語渥曰學士無以性命爲戲渥不答扃戶而寢明日無麻制宣讀茂真曰陛下命相學士不肯草制與反何異昭宗曰卿薦貽範朕不拒渥不草制朕亦不拒其如道理分明何

置座右

子元著史通內外四十九篇徐堅讀之歎曰為史氏者宜置此座右也

置札玉階

開元末韋絢自左補闕為起居舍人時陽嗣復已除起居舍人楊嗣復於殿下先奏曰左補闕韋絢新除起居舍人未中謝奏取進旨帝領之李鈺招而引之絢即置筆札於玉階欄檻之右疾趨而置詞拜舞焉

有賞音

范華論撰書之意曰吾聞之傑思殆無一字空設此

書行應有賞音者自古體止而思精未有此也

御史臺記

闕名

裴琰之

裴琰之作同州司戶年纔弱冠但以行樂爲事畧不爲案牘刺史譙國公李崇義怪之而問戶佐佐曰司戶達官兒郎恐不問書判旣數日崇義謂琰之曰同州事物固繫司戶尤甚公何不別求京官無爲滯此司也琰之唯諾復數日曹事委積諸竊議以爲琰之不知書但遨遊耳他日崇義召之厲色形言將奏免

之琰之出謂其佐曰文案幾何對曰遽者二百餘琰
之曰有何多如此逼人命每案後連紙千張仍命五
六人以供研墨點筆左右免唯而已琰之不之聽語
主案者畧言事意倚柱而斷之詞理縱橫文華粲爛
手不停綴落紙如飛傾州官僚觀者如堵牆驚嘆之
聲不已也案達於崇義崇義初曰司部解邪判戶佐
曰司戶太高手筆仍未之奇也比四五十案詞彩彌
精崇義悚怍召琰之降階謝曰公之詞翰若此何忍
藏鋒成鄙夫之過是日名動一州數日聞於京邑尋

擢雄州司戶

李義琛

太宗朝文成公主自吐蕃貢金數百至岐州遇盜前
後發使案問無獲賊者太宗召諸御史目之特命李
義琛前曰卿神清俊拔暫勞卿推逐必當獲賊琛受
命施以密計數日盡獲賊矣太宗喜特加士階賜金
二十兩

辛郁

唐辛郁管城人也舊名太公弱冠遭太宗於行所問

御史臺記 7
何人曰辛太公太宗曰何如舊太公郁曰舊太公八十始遇文王臣今適年十八已遇陛下過之遠矣太宗悅命值中書

張楚金

唐則天朝刑部尚書張楚金爲酷吏周興構陷將刑乃仰歎曰皇天后土豈不察忠孝乎柰何以無辜獲罪因泣下數行人人皆爲歔歔須臾陰雲四塞若有所感旋降敕釋罪宣示訖天地開朗慶雲紛糾時議言其忠正所致也

楊茂直

唐楊茂直任拾遺有補闕姓王精九經不練時事每自言明三教時有僧名道儒妖訛則天捕逐甚急所在題云訪僧道儒茂直與薛兼金戲謂曰敕捕僧道儒足下何以安閒云何關吾事茂直曰足下明三教僧則佛教道則老教何不關吾事乃驚懼興寢不安遂不敢歸寓於曹局數宿祈左右慎其事意復共誑之憂懼不已遇人但云實不明三教事茂直等方寬慰云別訪人非三教也乃敢出

左右臺御史

唐孝和朝左右臺御史有遷南省仍內供奉者三墨
敕授者五臺譏之為五墨三仍左臺呼右臺為高麗
僧言隋漢僧赴齋不呪願嗔唄但飲食受覲而已譏
其掌外臺在京輦無所彈劾而俸祿同也自右臺授
左臺號為出蕃自左臺授右臺號為沒蕃每相遇必
相嘲謔不已也

杜文範

唐杜文範襄陽人也自長安尉應舉擢第拜監察御

史選殿中授刑部員外以承務郎特授西臺舍人先
時與高上智俱任殿中為侍御史張由古宋之順所
排蹙與上智遷員外既五旬由古之順方八省文範
眾中謂之曰張宋二侍御俱是俊才由古問之答曰
若非俊才那得五十日騎士牛趨及殿中舉眾歡笑

元晉

唐曹懷舜金鄉人父維叔死王事贈雲麾將軍懷舜
襁褓授游擊將軍歷内外文武官則天云懷舜久歷
文資而屈於武職自左鷹揚衛郎將拜右玉鈐衛將

御史臺記
軍有宋州司馬曹元本父名乞伯時汲縣丞元晉好
談多警策或問元晉元本懷舜從叔元晉應聲答曰
雖則同堂俱非本族人怪問之晉曰玄本乞伯子懷
舜繼叔兒以此知矣

御史裏行

唐開元中置裏行無員數或有御史裏行侍御史裏
行殿中裏行監察裏行以未爲正官故臺中詠之曰
柱下雖爲史臺中未是官何時聞必也早晚見任端
任端卽侍御史任正名也

終

上庠錄

宋 呂榮義

政和元年尚書蔡嶷爲知舉尤嚴挾書是時有街市
詞曰侍香金童方盛行舉人因以其詞只改十五字
作懷挾詞云喜葉葉地手把懷兒摸甚恰限出題廝
撞着內臣過得不住腳忙裏只是看來班駁這一身
冷汗都如雲霧薄此此年時頭勢惡待檢又還猛相
度只恐根底有人擗着

長慶三年正月禮部侍郎王起奏曰伏以禮部放榜

之後遠誤傳非便臣請今年進士堪及第者本司考試訖其詩賦先進中書門下詳覆勅却下本司然後准列大字放榜從之

唐制禮部試舉人夜以三鼓爲限本朝率用白晝不許繼燭

陳彭年任翰林學士求對歸詣政府王文正公旦延見之陳起呈其狀曰科場條貫公投之於地曰內翰做官幾日待隔截天下進士陳惶懼而退

長安舉子六月後落第者不出京剝口過夏借淨坊

廟院作文章曰夏課時語曰槐花黃舉子忙故翁承贊有詩云雨中粧點望中黃勾引蟬聲噪夕陽憶得當年隨計吏馬蹄終日爲君忙

咸通十一年以龐勛盜據徐州人屯戎卒連年飛輓物力方虛因詔權停貢舉一年是歲進士盧尚鄉自遠至關聞詔而迴乃賦東歸詩曰九重丹詔下塵埃深璫文闈罷選才桂樹放教遮月長杏園終待隔年開自從玉帳論兵後不許金門諫獵來今日霸陵橋上過關人應笑臘前迴

裴思謙狀元及第以紅牋作名紙謁平康里諸妓因宿于里中有詩曰銀缸斜背解鳴璫小語低聲喚玉郎從此不知蘭麝貴夜來新惹桂枝香

李翺尚書牧江淮郡日進士盧儲捲卷來謁李禮待之置文卷几案間赴公宇視事長女及笄見文尋繹數四謂小青衣曰此人必為狀元李公聞之深異其語乃慕為壻來年果狀元及第纔過殿試徑成佳姻詩曰昔年曾去玉京遊第一仙人許狀頭今日已成秦晉約果教鸞鳳下粧樓

終

唐科名記

宋會稽高似孫

志烈秋霜科

顯慶二年 韓思彥

幽素科

乾封元年蘇瓌解琬苗神容 何輔元徐昭劉訥言崔谷神

詞彙文律科

上元元年 崔融

岳牧科

永隆元年

才膺管樂科

神龍二年張大求魏啟心魏愔盧絢 張文成褚璆咸慶業郭璘趙不為

才高位下科

馮萬石冠 良貞張敞

材堪經邦科

三年張九齡 康元瓌

唐科名記

賢良方正科

蘇晉宋務光
冠此盧怡呂慎

抱器懷能科

景龍三年
長侯銛

茂才異等科

王敬從
盧重玄

詞標文苑科

垂拱四年房
晉甫瓊王且

蓄文藻之思科

永昌元年
彭景直

抱儒素之業科

李文
愿

臨難不顧徇節寧邦科

長壽二年
薛稷冠此

長才廣度沉迹下僚科

證聖元
年張漪

文藝優長科

通天元
年韓璘

絕倫科

神功元年蘇頌
鳳孟温禮洪子與盧從愿趙不欺

拔萃科

大足元年
崔翹鄭徵

疾惡科

馮萬
石

龔黃科

長安二年
馬克麾

文以經國科

景雲二年袁
暉韓朝宗

藏名負俗科

李俊
之

文經邦國科

先天元
年韓休

藻思清華科

趙冬
儀

宣風興化科

郭璘
之

道侔伊呂科 張九齡

手筆俊拔超越輩流科 杜昱張子漸張秀明常無紉趙居貞賈登邢巨

直言極諫科 開元二年梁昇卿袁楚客

哲人奇士逸倫屠釣科 孫述

良才異等科 邵閏之崔翹

文史兼優科 五年李昇期康子建奚珣

文儒異等科 崔侃褚庭誨

博學通枕科 六年鄭少微蕭道成

文詞雅麗科 七年邢巨苗晉卿褚思光趙良器

將帥科 十三年裴敦復房自謙

武足安邊科 十五年鄭昉樊衡

高才沉淪草澤自舉科 鄧景山

才高未達沉迹下僚科 十七年吳鞏

博學宏詞科 十九年陶翰

多才科 二十一年李史魚

王霸科 二十三年劉璠杜綰

智謀將帥科 張重光崔李廣深

文詞秀逸科 天寶元年崔尤顏真卿

風雅古詞科 六年薛璩

詞藻宏麗科 十三年楊綰

樂道安貧科 大曆二年楊

諷諫主文科 六年鄭

賢良方正能直言極諫科 大曆二年裴休裴素李邵南卓李其杜牧馬植鄭亞

崔博崔興王式羅羣京崔渠韓賓崔慎苗愔常杲崔煥崔儻

軍謀宏遠堪任將帥科 大曆二年鄭冠李式

詳明吏理達於教化科 大曆二年宋琨寶曆元年常正實

文詞清麗科 建中元年奚涉梁肅劉亮鄭轅沈封吳通

經學優深科 建中元年孫琰黎逢白李隨

高蹈丘園科 建中元年張紳衡良儒蘇哲

軍謀越眾科 建中元年夏侯審平知和鄭澹凌正周謂丁佺

孝弟力田聞於鄉閭科 建中元年郭黃鍾崔治季牧貞元四年張浩

博通墳典達於教化科 貞元元年熊執易劉簡甫十年朱穎元和三年馮苞凌

且長慶元年李思玄

識洞韜畧堪任將帥科 貞元元年許贄

清廉守節政術可稱堪任縣令科 貞元四年李巽

詳明政術可以理人科 貞元十年張平叔李景亮長慶元年崔郢

才識兼茂明於體用科 貞元十年元稹辛慎獨孤郁白居易曹景伯韋慶復崔瑄

羅壤崔護薛存慶章衍李璠

元修蕭俛沈傳師柴宿

達於吏理可使從政科 貞元十年陳岵元和三年蕭睦

軍謀宏遠材任將帥科 元和三年樊宗師長慶元年吳思李商卿

軍謀宏遠材任邊將科 寶曆元年裴儁侯雲章

五代登科記

宋 韓思

梁太祖開平二年進士十八人諸科五人

三年進士十九人諸科四人

四年進士十五人諸科一人

五年進士二十人諸科十人

乾元二年進士十一人諸科一人

三年進士十五人

四年停舉

五代登科記
五年進士十三人諸科二人

貞明二年進士十二人諸科一人

三年進士十五人諸科二人

四年進士十二人諸科二人

五年進士十三人諸科一人

六年進士十三人諸科三人

七年停舉

龍德二年進士十四人諸科二人

三年停舉

唐莊宗同光二年進士十四人諸科二人

三年進士四人

四年進士八人諸科二人

明宗天成二年進士二十三人諸科九人

三年進士十五人諸科四人

四年進士十三人諸科二人

長興元年進士十五人重試落下八人諸科一人

二年進士四人

三年進士八人諸科八十一人

四年進士二十四人諸科一人

愍帝長興五年進士十七人諸科一人

廢帝清泰二年進士十四人諸科一人

三年進士十三人

晉高祖天福二年進士十九人

三年進士二十人

四年五年停貢舉

六年進士十一人諸科四十五人

七年進士七人

八年進士七人

九年進士十三人諸科五十六人

開運二年進士十五人諸科八十八人

三年進士二十人諸科九十二人

漢高祖天福十二年進士二十五人諸科一百五十

五人

隱帝乾祐元年進士二十三人諸科一百七十九人

二年進士十九人諸科八十八人

三年進士十七人諸科八十四人

周高祖廣順元年進士十三人諸科八十七人

二年進士十三人諸科六十六人

三年進士十人內落下二人諸科八十三人

世宗顯德元年進士二十人諸科一百二十二

二年進士十六人諸科一百十六人

三年進士六人諸科二十九人

四年進士十人諸科三十五人

五年進士十五人內落下七人諸科七十二人

六年進士十人諸科五十人

按五代五十二年其間唯梁與晉各停貢舉者二年

趨朝事類

闕名

官品令

■ ■ 五階

諸州助教

諸州文學

通仕郎

登仕郎

將仕郎

選人七階

迪功郎

修職郎

從政郎

從仕郎

文林郎

儒仕郎

承直郎

邊明事類

京官五階

承務郎 承奉郎 承事郎 宣議郎 宣教郎

陞朝官二十四階

通直郎 奉議郎 承議郎 朝奉郎

朝散郎 朝請郎 朝奉大夫 朝散大夫

朝請大夫 奉直大夫 朝議大夫 中散大夫

中奉大夫 中大夫 太中大夫 通議大夫

通奉大夫 正議大夫 正奉大夫 宣奉大夫

光祿大夫 金紫光祿大夫 特進大夫

武弁出身

進義校尉 進武校尉

小使臣八階

承信郎 承節郎 保義郎 成忠郎 忠翊郎

忠訓郎 秉義郎 從義郎

大使臣二階

修武郎 訓武郎

副使八階是郎 正使八階是夫大

武翼郎 武義 武經 武略 武節 武顯

武德 武功

橫行副使十二階是郎 正使十二階是大夫

右武郎大夫 拱衛 親衛 翊衛 中衛 中亮

左武 中待 協忠 履正 宣正 正侍

衛官

左右金吾衛士比將軍比節度使

大將軍比武翼大夫 左右衛以下隆一等比之驍騎

驍衛武衛屯衛領軍衛監門衛千牛衛上將軍諸衛

大將軍將軍

勳一十二轉

上柱國 柱國 上護軍 護軍 上輕車都尉

輕車都尉 上騎都尉 騎都尉 驍都尉

飛都尉 武騎尉

以上騎尉以上兩府及武臣以上經恩加兩重文
武朝官加一重武騎尉以京官加一重朝官雖未
至驍騎尉經恩亦便加騎都尉

爵一十二等

王 嗣王 郡王 國公 郡公 開國公

開國郡公 開國縣公 開國侯 開國伯

開國子 開國男

以上封爵王子兄弟封國親王之子承嫡為嗣王宗室近親及特旨者封郡王見前任宰執食邑實封共萬戶及承襲並封郡公其開國家隨食邑

食邑無定法

一萬戶	八千戶	七千戶	六千戶	五千戶
四千戶	三千戶	二千戶	一千戶	七百戶
五百戶	四百戶	三百戶	二百戶	一百戶

以上經恩宰執以上加千戶封四百戶餘隆麻官七百戶實三百戶文臣侍郎武臣觀察使五百戶實封二百戶文臣少卿監武臣諸司副使宗室副率以上三百五戶實一百戶雖有加例緣無定法實封一百戶日計錢二十五文足二千戶封公一千戶封侯七百戶封伯五百戶封子三百戶封男

內命婦品

一等

貴妃 淑妃 德妃 賢妃 貴儀 淑儀 淑容

順容 婉儀 婉容 昭儀 昭媛 修容 昭容
 修媛 修儀 充媛 婕妤 美人 才人
 侍郎郡夫人 郡夫人 十字國夫人
 兩字國夫人 六字國夫人 兩國四字夫人
 四字國夫人 兩國兩字夫人 兩字國夫人
 國夫人

二等

尚字 尚正 尚官 尚儀 尚食 尚服 尚寢
 司字 司衣 司賓 司室 司殿 司圍 典衣

典賓 典字 典寶 典飾 典製 典團 典籍
 典醞 典珍 典樂 掌字 掌衣 掌記 掌綵
 掌樂 掌圍 掌籍 掌醞 紅霞帔
 知尚書內省事 仙韶使 仙韶副使
 小殿直都知 小殿直押班

三等

紫霞帔 尚書省都事 大侍御
 小殿直第一等長行 仙韶都頭

四等

聽宣 尚書省內事 錄事 小殿直第二等長行
仙都色長行

五等

殿直 散直 散手 書省 小侍御

皇后閣祇候 小殿直第三等長行

著緋著綠女童

內命婦封贈

貴妃 淑妃 德妃 賢妃

正一品封贈三代 十字 八字 六字

貴儀 貴容 淑儀 淑容 順儀 順容 婉儀

婉容

從一品封贈三代 六字 兩國 四字

昭儀 昭容 昭媛 脩容 脩婉 脩儀 克儀

克容 克婉

正二品封贈三代 四字 兩字 兩國

婕妤

正三品封贈二代 四字 兩國

美人

正四品封贈一代國

才人

正五品封贈一代郡

司字正七品

典字正八品

掌字正九品

紅霞帔

紫霞帔

聽宣

聽直

書直

以上不係入品

外命婦品

使相以上封國夫人

執政節度使以上封郡夫人

尚書以上封淑人

侍郎以上封碩人

太中大夫以下封令人

中散大夫以下封恭人

朝奉大夫以下封宜人

朝奉郎以下封安人

通直郎以下封孺人

封贈綾羅紙價錢

三公三少開府

七貫五百

東宮三師三少特進光祿大夫

左右金吾衛上將軍至觀察使

六貫

宣奉至通奉諸衛

上將軍

三貫五百

通議至散中諸衛大將軍

三貫六百

朝議至

縣奉大夫 二貫 朝請至承議郎諸率府 八百貫 奉議通

直諸率府副率 一貫 宣教郎以下 一貫 母 七貫 妻 六貫

四百五十 朝奉大夫遙郡刺史以上妻 七貫 后妃才人 五十貫

以上同

宰相執政官 曾仕 若室章閣直學士以上及駙馬都

尉管軍臣僚入內內侍至押班并將校化外蕃蠻官

免納雖已致仕准見任官例

封贈郡號

鉅鹿 樂安 壽春 仙遊 萬年 萬載 許昌

延安 遂寧 奉天 靈寶 天長 天興 保寧

典國 永安 乾祐 昌國 寧國

郡縣不在封贈之例

典禮須知

行在

諸稱行在者謂天子駐蹕之所在也古不聞之自秦漢方有此稱本縣百司初稱隨駕某自真廟後皆稱行在惟三省學士院臺諫內侍省之類不云行在蓋天子之司常侍之謂也

三省

諸稱三省者謂門下中書尚書省中書擬定門下進
書尚書奉行紹興十五年中書門下併而爲一謂之
制勅院

省劄

尚書省施行事以由奉山所造紙每張三文與免戶
役准此字令寫大準此

駕頭

駕頭者祖宗卽位時所乘也皇朝類苑謂之正衙法

座香水爲之金飾四足墮其角其前小偃織藤冒之
駕頭至則宣贊喝引迎駕者起居也又沈存中筆談
謂是中貴官捧月樣

猊毛座褥機子於馬上令係閣門宣贊舍人

諸職事官諫議大夫寄祿官太中大夫以上及學士
待制或經恩賜者許乘節度使曾任執故官者准此

紹熙行禮記

宋 周密

紹熙二年辛亥十一月壬申光宗初祀圓丘先是貴妃黃氏有寵慈憲李后妬之至是上宿齋宮乘間殺之以暴卒聞上不勝駭憤及行禮值大風雨黃壇燈燭盡滅不成禮而罷上以爲獲罪於天且憚壽皇譴怒憂懼不寧遂得心疾歸臥青城殿壽皇知其事輒輿徑至幄殿欲慰勉之直上寐戒左右使勿言旣寤小黃門奏知壽皇在此上矍然驚起下榻叩頭請罪

壽皇再三開諭終不懌自是喜怒不常不復視朝矣
至三年二月疾稍平請重華宮起居四年九月重陽
節以疾不過宮宰執侍從兩直百僚及諸生皆有疏
乞過宮甲申上將朝重華百官班立以俟上已出至
御屏李后挽上回曰天色冷官家且進一盃酒百僚
侍衛皆失色時陳傅良爲中書舍人遂趨上引裾請
母再入隨上至御屏後李后叱之曰這裡甚去處你
秀才們要斫了驢頭傅良遂大慟于殿下李后遣人
問曰此是何禮傅良對曰子諫父不聽則號泣隨之

后益怒遂傳旨已降過宮指揮更不施行於是臣僚
士庶紛紛之議競起矣十月會慶節工部尚書趙彥
逾等上疏重華乞會慶聖節先期諭旨勿免過宮壽
皇御筆朕自秋涼以來思與皇帝相見所有卿等奏
劄已令進御前矣庚申詔過宮又不果出至戊寅上
始朝重華都人皆大喜先是丞相留正以論姜時立
待罪范村凡一百四十日至此方召還五年正月壽
皇始不豫上以疾不能問安嘗藥臣僚劾內侍陳僚
源楊舜卿林億年以離間兩宮請罷逐及壽皇疾甚

留正請上侍疾挽裾隨至福寧殿泣而出旣而宰執以所請不從乞出光宗傳旨令宰執盡出于是俱至浙江亭待罪知閣韓侂胄奏請自往宣押入城於是宰執各還第國史趙汝愚傳云孝宗令嗣秀王傳意令宰執入奏實復請過宮許之至期過年有旨放仗當是時諸公引裾慟哭朝士日相聚于道宮佛寺集議百司皂隸造謗譌傳學舍草茅爭相伏闕劉過字改之一書至有生靈塗炭社稷丘墟之語且有詩云從教血染長安市一枕清風臥釣磯擾擾紛紛無所

不至大抵當時執政無承平諸公識不能以上疾狀昭示天下鎮靜浮言而朝紳學士率多賣直釣名之人而乃使上蒙疑負謗日甚一日至六月九日戊戌壽皇崩于重華殿本宮提舉關禮等詣宰執第告上大漸丞相留正樞密趙汝愚叅政陳騏同知余端禮請過宮俟至晚又不果出先是孝宗未服藥黃裳等嘗請過宮以笏欄光宗云壽皇已服藥矣便請陛下升輦已而無它至是亦以爲妄不復信十三日壽皇大殮車駕不至無與成服人情憂懼留正等遂奏請

新原行禮記
憲聖代行祭奠之禮以安人心徃反數四始得太皇
聖旨皇帝以疾聽就內中成服太皇太后代行祭奠
之禮宰相百官就重華宮成服正等遂遵行之然中
外人情詢詢以禍在旦夕近習富室競輦金帛藏匿
村落而朝士中如項安世等遁去數人如李詳等搬
家歸鄉者甚衆侍從至欲相率出城於是留正等連
疏乞立太子以重國本二十四日晚御批云甚好次
日宰執擬立太子指揮進入御筆批依付學士院降
詔是晚又御批云歷事歲久念欲退閑留正見之懼

以爲初旨請立太子今乃有退閑之語何耶會次日
朝臨行於殿庭傷足正疑爲不祥先是正嘗從善執
革者問命有兔伏草鷄自焚之象及此謂所知曰上
卯生吾酉生前語驗矣遂力請罷免出城俟命工部
尚書趙彥逾時爲山陵按行使臨欲渡江因別汝愚
曰近事危急如此知院乃同姓之卿豈容坐視當思
求之之策可也汝愚默然久之曰今有何策事急持
刀去朝天門叫幾聲自割殺耳彥逾曰與其如此死
不若如此死且如聞上有御筆八字果否汝愚曰留

丞相丁寧莫說今事急矣與尚書說亦不妨彥逾曰既有此御筆何以不便立嘉王汝愚驚曰向嘗有立儲之情尚恐上怒此事誰敢擔當且看慈福壽成兩宮之意如何彥逾曰留丞相以足跌求去天付此一段事業與知院豈可持疑禫祭在近便可舉行汝愚曰此是大事恐未易倉卒亦須擇一好日遂取宮曆檢視適是日甲子吉彥逾曰帝王卽位卽是好日兼宮曆又吉何疑事不容緩宜亟行之亦順事也因勸與殿帥郭杲同議汝愚遂遣范仲壬及詹體仁諭意

杲皆不答汝愚大恐彥逾曰某嘗有德于杲遂馳告之曰近日外議洶洶太尉知否杲曰然則柰何彥逾遂以內禫事語之曰某與趙樞密第能謀之耳太尉爲國虎臣此事全在太尉杲猶未語彥逾曰太尉所慮者百口之家耳今某盡誠以告太尉不答豈太尉別有謀乎杲矍然而起曰敢不效使令遂與區處發軍坐甲等事還報汝愚議遂定乃謀可白事于慈福宮者始擬吳琚琚憲聖姪也琚辭或云已白憲聖不許繼欲用吳環環亦辭於是令徐誼葉適因閣門蔡

必勝諭意於知閣門事韓侂胄侂胄母憲聖女弟也其妻又憲聖女侄也最爲親近侂胄慨然曰某世受國恩託在肺腑願得効力於是往見慈福宮提舉張宗尹曰事勢如此我輩死無日矣宗尹曰今當如何遂告以內禪事且云須得太后主張方可宗尹遂許爲奏知次日未報侂胄懼遂親往慈福宮適直憲聖感風不出侂胄益窘立殿廡垂涕重華宮提舉關禮適至邀問之侂胄不敢言因指天爲誓侂胄遂具述其事禮曰卽當奏知少俟可也禮入見垂涕憲聖問

曰汝有何苦曰小臣無事天下可憂耳憲聖蹙額不言禮曰聖人讀萬卷書曾見有如此時節可保無虞否憲聖曰此豈汝所知禮曰此事人人知之丞相已去所賴二三執政旦夕亦且去矣中外將誰賴乎言與淚俱下憲聖驚曰事將奈何禮曰今宰執政令韓侂胄在外欲奏內禪事望聖人三思早定大計憲聖不語久之曰我前日畧曾見吳琚說來若事順須是做教好且許來早於梓宮垂簾引執政面對禮遂傳旨侂胄侂胄乃復命于汝愚始往報陳騏余端禮及

郭杲并步帥閻仲關禮使其姻黨閤門舍人傅昌朝密製黃袍先是嘉王數日謁告執政諭宮僚彭龜年等曰禫祭重事王不可不入七月四日甲子禫祭羣臣入王亦入執政率百僚詣大行前奏請太皇頃之垂簾有旨令韓侂胄同執政奏事汝愚等再拜詣簾前奏曰皇帝以疾至今未能執喪臣等累入劄乞立皇子嘉王爲皇太子以繫人心皇帝批出甚好繼又批歷事歲久念欲退閑取太皇太后處分憲聖曰皇帝既有御筆相公自當奉行汝愚等奏曰此事甚大

須降一指揮方可憲聖曰好汝愚遂袖出所擬指揮以進曰皇帝以疾未能執喪曾有御筆直欲退閑皇子嘉王可卽皇帝位尊皇帝爲太上皇帝皇后爲太上下皇后憲聖覽訖曰甚好汝愚等再拜奏曰凡事今望太皇太后主張憲聖首肯訖遂令都知楊舜卿提舉壽康宮以任其責遂召至簾前面付之汝愚卽入筵殿前宣布聖旨及詔書訖關禮張宗尹扶掖太子入簾太皇面諭再三太子固辭曰恐負不孝之罪俯伏涕泣太皇命侂胄入簾授以黃袍令扶嗣君往卽

皇帝位關禮張宗尹共掖嗣君至素幄傳太皇聖旨
令汝愚等勸請汝愚等奏曰天子當以安社稷定國
家爲孝今中外人人憂亂萬一變生置太上於何地
尚得爲孝乎衆扶上披黃袍上猶却立衆扶上就座
汝愚等率百僚再拜皇帝立受汝愚等遂傳宣殿帥
郭杲閻仲同韓侂胄一班起居內侍扶導上詣太皇
簾前行謝禮次詣梓宮前行禫祭禮禮畢御史臺閣
門集百官禁衛立班起居翌日侂胄侍上詣光宗問
起居光宗問是誰侂胄對曰嗣皇帝光宗瞪視曰吾

兒邪先是汝愚諭殿帥郭杲以三百軍至祥禧殿門
祈請御寶杲入索于職掌內侍羊駟劉慶祖私議曰
今外議詢詢如此萬一璽入其手或以它授豈不利
害於是封誌空函授杲二璫取璽從問道詣德壽宮
納之憲聖及汝愚開函奉璽之際憲聖方自內付璽
與之四朝聞見錄云寧宗次日謁光宗慈懿方自臥
內取璽與之按御璽重寶安得卽位後方取兼
璽玉各有職安得置
之臥內恐非事實先是襄陽歸正人陳應祥等嘯
聚亡命謀以七月望日爲壽皇發喪爲亂前一夕登
極赦至其徒告之而敗汝愚遂奏乞召還留正以輔

初政而御史張叔椿劾以棄國之罪遂遷叔椿爲
吏部侍郎正乃復入拜左相汝愚爲右相汝愚曰同
姓之卿不幸處君臣之變敢言功乎辭不拜乃以特
進爲樞密使及孝宗將攢汝愚見議欲卜山陵與正
異議遂出正判建康府汝愚遂拜右相先是汝愚許
侂胄以事成日節鉞彥逾執政旣而推定策恩汝愚
乃謂彥逾曰我輩宗臣不當言功僅除郭杲節度使
彥逾爲端明殿學士出爲四川制置知成都府侂胄
遷觀察使樞密都承旨

元係防禦使知門事至是遷一級

于是二人

憤曰此事皆吾二人之力汝愚不過蒙成耳今旣自
據相位以專其功乃置我輩度外邪于是始有逐汝
愚之謀矣汝愚覺之以朱熹有重名遂自長沙召入
爲待制侍經筵及收召李祥楊簡呂祖儉等道學諸
君子以自壯然宮中及一時之議皆歸功于侂胄自
是出入宮掖居中用事且嗾冷人刻本爲熹等像義
冠大袖講說性理爲戲于禁中熹與龜年等屢白汝
愚曰侂胄怨望殊甚宜以厚賞酬其勞處以大藩出
之于外勿使預政以防後患汝愚不納曰彼嘗自言

不受官職何慮之有旣而熹進對面陳侂胄之姦繼而正言黃度欲論之而謀泄以內批斥去熹又因進講極論之聲色頗厲上怒遂批出除熹宮觀汝愚謀請見乃以內批袖還上繼而求去皆不許於龜年奏陛下逐朱熹太暴且言侂胄竊弄威權爲中外所附必爲大患寧宗欲兩罷之汝愚欲兩留之旣而龜年與郡侂胄勢由是益張會彥逾帥蜀陛下辭曰盡疏當時道學諸賢姓名指爲汝愚之黨而寧宗亦疑之矣知閣劉敞謂侂胄曰趙丞相欲專此大功日

引虛名之士以植黨君豈但不得節鉞將恐不免嶺海之禍侂胄恐甚會汝愚欲除劉光祖爲御史侂胄知其欲擊已而上方令近臣上御史于是以御筆除大理簿劉德秀爲御史楊大灋爲殿院又罷吳獵以劉三傑代之於是言路皆韓黨矣先是汝愚嘗云夢孝宗授以湯鼎背負白龍陞天又沈有開嘗在汝愚坐曰外間傳嘉王出判福州許國公判明州三軍士庶以推戴相公矣又徐誼語人曰但得趙家一塊肉足矣蓋指魏王之子徐國公柄也樓鑰行辭免批答

紹熙行禮記
有親爲伯父固非同姓之卿之語太學上書乞尊汝
愚爲伯父成周子言郎君不令何澹謂寧宗非光宗
子其說非一端于是右正言李沐首疏其事劾汝愚
以同姓居相位非祖宗典故方太上聖體不康之時
欲行周公故事倚虛聲植私黨以定策自居專功自
恣等事遂罷汝愚相出知福州旣而臺臣言合罷郡
與祠有祭酒李祥博士楊簡府丞呂祖儉等有疏太
學生周端朝等六人共一書訴汝愚有太功不當去
位皆被黜謫未幾何澹胡紘疏汝愚唱引僞徒謀爲

不軌乘龍授鼎假夢爲符言且與徐誼輩造謀欲衛
送太上過越爲紹熙皇帝等事遂責汝愚永州安置
至衡州而卒朱熹爲之註離騷以寄意焉敖陶孫題
詩于闕門有一死固知公所欠孤忠賴有史長存之
句其後葉翥汪義端交論僞學而劉三傑以僞黨爲
逆黨凡得罪者五十九人省部籍記姓名降詔禁僞
學而直省吏蔡璉告汝愚定策時異謀賓客所言凡
七十紙欲逮彭龜年曾三聘徐誼沈有開下大理獄
賴范仲藝等力解之乃已旣而侂胄遷太傅封平原

綱原不社言
郡王自此十年專政肇開兵端身殞國危在侂冑固
不足責而當時諸君子處之亦失其道有以致之也

上壽拜舞記

宋 陳隨隱

紫宸殿上壽三十三拜三舞蹈初面西立閣門進班
齊牌上升座鳴鞭禁衛起居移班北面躬身聽贊兩
拜起直身搢笏三舞蹈跪左膝三叩頭出笏就一拜
又兩拜躬身埃班首奏聖躬萬福再聽贊拜兩拜移
班如初殿中監升殿詣酒尊所教坊起居殿侍進御
茶床又北面躬身聽贊拜兩拜直身立上公升殿注
酒詣御座前躬進俛伏致詞竝躬身埃上公降階復

上壽拜舞詩入
位聽贊拜兩拜起躬身埃樞密宣答聽贊拜兩拜移
班如初上公升殿立御座東樂作上飲畢上公受盞
降階復位北面躬身聽贊拜兩拜舞蹈如初不該赴
座官先退赴座官躬身聽樞密詣折檻東宣答訖聽
贊拜兩拜升階立席後埃進酒樂作上飲畢舍人贊
各賜酒躬身聽贊拜兩拜起贊各就坐立如故復贊
乃坐酒行先上公次百官搢笏執盞立席後躬身飲
訖聽贊拜兩拜復坐食至搢笏執碟出笏再進酒如
上禮三行舍人曰可起立席後埃上公御座前俛伏

跪奏復位降階北面聽贊拜兩拜舞蹈如初鳴鞭捲
班凡正旦朝賀一十九拜三舞蹈初面西立上升座
閣門起居班首以下躬身北面埃舍人宣名訖聽贊
拜兩拜舞蹈如前禮躬身埃班首奏聖躬萬福聽贊
拜兩拜起直身立埃樞密升殿班首出班俛伏致詞
並躬身埃班首復位聽贊拜兩拜舞蹈如初起躬身
埃樞密承旨詣折檻東稱有制兩拜起躬身埃樞密
宣答訖聽贊拜兩拜舞蹈如初凡冬至朝賀一十三
拜一舞蹈初百官面西立儀仗以下起居知閣次之

上壽拜舞詩
次讀奏自舍人宣班首以下起居稱賀北面躬身聽
贊拜兩拜起舞蹈如初起躬身俟班首奏聖躬萬福
聽贊拜兩拜起直身立俟樞密升殿班首致詞密答
如正旦禮凡朔望起居九拜一舞蹈初讀奏目知閣
御帶行門以下常起居殿中侍御史大起居七拜百
官躬身聽舍人宣班首名北面聽贊拜兩拜舞蹈如
初不候贊兩拜班首不離位奏聖躬萬福躬身聽贊
拜兩拜起躬身聽贊各祇候捲班凡上殿倫對初面
西立舍人引北面躬身聽贊拜聲絕兩拜起躬身聽

贊祇候直身立引稍前兩步再躬身聽贊拜兩拜起
躬身聽贊祇候面西立俟三省奏事退引升殿立東
南角舍人前奏銜位姓名上殿因依引赴御座右側
身立搢笏當殿未出笏叉手及橫執劄子爲失儀如
有宣諭卽口奏云臣官不該殿上拜容臣奏事畢下
殿謝恩奏事畢依舊路下殿北面不候贊兩拜隨班
凡謝恩初面西立舍人奏姓名引北面贊拜兩拜出
殿致詞歸位贊兩拜舞蹈聽贊祇候退凡朝辭面西
立舍人奏姓名引北面贊兩拜不出班奏聖躬萬福

又贊兩拜出班致詞復位又贊兩拜贊好去如有賜物宜有勅卽搢笏舞蹈三拜凡賜茶引北面躬身奏聖躬萬福贊兩拜贊就坐升殿立席後再贊乃坐茶至搢笏出笏降階贊兩拜贊祇候退

封禪儀記

漢 馬第伯

車駕正月二十八日發雒陽宮二月九日到魯遣守謁者郭堅伯將徒五百人治泰山道十日曾遣宗室諸劉及孔氏瑕丘丁氏上壽受賜皆詣孔氏宅賜酒肉十日發十二日宿奉高是日遣虎賁郎將先上山三案行還益治道徒千人五十日始齋國家居太守府舍諸王居府中諸侯在縣庭中齋諸卿校尉將軍大人黃門郎百官及宋公衛公褒城侯東方諸侯雒

封禪傳記
中小侯齋城外汶水上太尉太常齋山虞馬第伯自
云某等七十人先之山虞觀祭山壇及故明堂宮郎
官等郊肆處八其幕府觀治石石二放狀博平圓九
尺此壇上石也其一石武帝時石也時用五車不能
上也因置山下爲屋號五車石四維距石長丈二廣
三尺厚尺半所四枚檢石長三尺廣六寸狀如封篋
長檢十枚一紀號石高丈二尺廣三尺厚尺二寸名
曰立石一枚刻文字紀功德是朝上山騎行往往道
峻峭不騎步牽馬乍步乍騎且相半至中觀留馬去

平地二十里南向極望無不覩仰望天闕如從谷底
仰觀抗峯其爲高也如視浮雲其峻也石壁窅窳如
無道徑通望其人端如行朽兀或爲白石或雪久之
白者移過樹乃知是人也殊不可上四布僵卧石上
有頃復蘇亦賴齋酒脯處處有泉水目輒爲之明復
勉強相將行到天關自以已至也問道中人言尚十
餘里其道旁山脇大者廣八九尺狹者五六尺仰視
巖石松樹鬱鬱蒼蒼若在雲中俛視谿谷碌碌不可
見丈石遂至天門之下仰視天門窅遠如從穴中視

封禪儀記
天直上七里賴其羊腸逶迤名曰環道往往有絙索
可得而登也兩從者扶挾前人相牽後人見前人履
底前人見後人頂如画重累人矣所謂磨胸捍石捫
天之難也初上北道行十餘步一休稍疲咽脣焦五
六步一休蹠蹠據頓地不避濕暗前有燥地目視而
兩脚不隨早食上晡後到天門郭使者得銅物銅物
形狀如鐘又方柄有孔莫能識也疑封禪具也得之
者汝南召陵人姓楊名通東上一里餘得木甲木甲
者武帝時神也東北百餘步得封所始皇立石及闕

在南方漢武在其北二十餘步得北垂圓臺高九尺
方圓三丈所有兩陛人不得從上從東陞上臺上有
壇方一丈二尺所上有方石四維有距在四面有闕
鄉壇再拜謁人多置錢物壇上亦不掃除國家上見
之則詔書所謂醮梨酸棗狼籍散錢處數百幣帛具
道是武帝封禪至泰山下來及上百官爲上跪拜置
梨棗錢於道以求福卽此也東山名曰日觀者鷄一
鳴時見日始欲出長三丈所秦觀者望見長安吳觀
者望見會稽周觀者望見齊西北有石室壇以南有

圭神像言
玉盤中有玉龜山南脇神泉飲之極清美利人日入
下太行數環日暮時頗雨不見其道一人居前則先
知蹈有人乃舉足隨之比至天門下夜人定矣

明禋儀注

宋 王儀

景靈宮聖祖一位 素饌

十拜 四次跪 俛伏興 不設小次中後殿差官分詣

第一上

參神兩拜 盥悅 跪奠鎮圭 俛伏興

跪奠玉幣 兩拜俛伏興

第二上

再盥悅 洗拭爵 跪三進酒 俛伏興

兩拜

第三上

亞終獻畢 詣飲福位 兩拜 跪三祭酒

進搏黍 啐酒飲福位 俛伏興 兩拜

送真 望燎 奏禮畢

太廟一十三室 牝牢 禮饌

五十八拜 四十跪 俛伏興 奏請還小次大禮使以下

一 面望燎

第一上

參神兩拜 盥帨 洗拭瓚 各入室

跪裸鬯 出戶外兩拜

第二上

再盥帨 洗拭爵 各入室 跪奠鎮圭

俛伏興 跪奠幣 三祭酒 俛伏興

出戶外 讀冊訖兩拜 還小次

第三上

亞終獻畢 出小次詣飲福位 兩拜

跪三祭酒 啐酒受俎 俛伏興

受博黍

兩拜

送神

奉神主入柝

室

奏禮畢

明堂殿正配四位

昊天上帝

皇地祇

太祖

太宗

各牲牢禮

二十二拜

一十三跪
俛伏興

第一上

參神兩拜

盥悅

各詣前位

跪奠鎮圭

俛伏興

跪奠玉幣

俛伏興

兩拜

第二上

再盥悅

洗拭爵

各詣前位

跪三祭酒

俛伏興

讀冊訖

兩拜

請還小次

依例

不還

第三上

亞終獻畢

詣飲福位

兩拜

跪三祭酒

啐酒受俎

受博黍

俛伏興

兩拜

送神

望燎

奏饌畢

梁雜儀注

唐 段成式

梁正旦使北使乘車至闕下入端門其門上層題曰
朱明觀次日應門門下有一大畫鼓次日太陽門左
有高樓懸一大鍾門右有朝堂門闕左右亦有二大
畫鼓北使入門擊鍾磬至馬道北懸鍾內道西北立
引其宣城王等數人後入擊磬道東北面立其鍾懸
外東西廂皆有陛臣馬道南近道東有茹崑崙客道
西近道有高句麗百濟客及其升殿之官三千許人

梁雜傳注
位定梁主從東堂中出云齋在外宿故不由上閣來
擊鐘鼓乘輿警蹕侍從升殿階南面幄內坐幄是綠
油天皂裙甚高用繩係着四柱~~以~~漆曲几坐定梁
諸臣從西門入着具服博山遠遊冠纓~~以~~翠羽真
珠爲飾雙雙佩帶劍黑鳥初入二人在前導引~~二~~
人並行次一人擎牙箱班劍箱別二十人具省服從
者百餘人至宣城王前數步北面有重席爲位再拜
便次出引王公登獻玉梁主不爲興魏使李同軌陸
操聘梁入樂遊苑西門內青油幕下梁主備三仗乘

輿從南門入操等東面再拜梁主北入林光殿未幾
引臺使入梁主坐皂帳南面諸賓及群官俱坐定遣
書舍人殷靈宣旨慰勞具有辭荅其中庭設鍾懸及
百戲殿上流杯池中行酒具進梁主者題曰御杯自
餘各題官姓之杯至前者卽飲又圖象舊事令隨流
而轉始至訖於座罷首尾不絕也

婚雜儀注

唐 段成式

北朝婚禮青布幔爲屋在門內外謂之青廬於此交拜迎婦夫家領百餘人或十數人隨其奢儉挾車俱呼新婦子催出來至新婦登車乃止婿拜閤日婦家親賓婦女畢集各以杖打聳爲戲樂至有大委頓者律有甲娶乙丙其戲甲旁有櫃比之爲獄舉置櫃中復之甲因氣絕論當鬼薪

近代婚禮當迎婦以粟三升填曰席一枚以覆井泉

三斤以塞窓箭三隻置戶上婦上車聳騎而環車三
匝女嫁之明日其家作黍臠女將上車以蔽膝覆面
婦入門舅姑以下悉從便門出更從門入言當躡新
婦迹又婦入門先拜猪楫及竈 娶婦夫婦併拜或
共結鏡紐 又娶婦之家弄新婦 臘月娶婦不見
姑

婚禮納綵有 合歡嘉木 阿膠 九子蒲

朱葦 綿絮 長命縷 雙石 乾漆

九事皆有詞膠漆取其固綿絮取其調柔蒲葦為心

可屈可伸也嘉禾分福也雙石義在兩固也

北朝婦人常以冬至日進履鞮及鞞正月進箕帚長
生花立春進春書以青繒為鞮刻龍像銜之或為蝦
蟇五月進五時圖五時花施帳之上是日又進長命
縷宛轉繩皆結為人像帶之夏至日進扇及粉脂囊
皆有辭

朝會儀記

漢 蔡質

正月旦天子幸德陽殿臨軒公卿將大夫百官各陪
朝賀蠻貊胡羌朝貢畢見屬郡計吏皆陛覲庭燎宗
室諸劉雜會萬人以上立西面位定公納薦大官賜
酒食西入東出既定上壽計吏中庭北面立太官上
食賜羣臣酒食貢事御史四人執法殿下虎賁羽林
弧弓撮矢陛戟右左戎頭偃脛陪前向後左右中郎
將住東西羽林虎賁將住東北五官將住中央悉坐

就賜作九賓徹樂舍利從西方來戲於庭極乃畢入
殿前激水化爲比目魚跳躍嗽水作霧鄣日畢化成
黃龍長八丈出水遊戲於庭炫耀日光以兩大絲繩
繫兩柱中頭間相去數丈兩倡女對舞行於繩上對
面道逢切肩不傾又蹋局出身藏形於斗中鐘磬並
作樂畢作魚龍曼延小黃門吹三通謁者引公卿羣
臣以次拜微行出罷卑官在前尊官在後德陽殿周
旋容萬人階高二丈皆文石作壇激沼水於殿下畫
屋朱梁玉階金柱刻鏤作宮掖之好厠以青翡翠一

柱三帶韜以赤緹天子正旦節會朝百官於此自到
偃師去宮四十三里望朱雀五闕德陽其上鬱律與
天連雒陽宮闕傳云德陽宮殿南北行七丈東西行
三十七丈四尺

稽古定制

闕名

唐制

一凡王公以下屋舍不得施重拱椽井三品以上堂舍不得過五間九架厦兩頭門屋不得過三間五架五品以上五品堂舍過五間七架厦兩頭門屋不得過三間兩架仍通作烏門六品七品以下堂舍不得過三間五架門屋不得過一間兩架非常叅官不得造抽心舍及施懸魚瓦獸乳梁裝施其祖父舍宅門

禮古定制
廕子孫雖廕盡聽依舊居住其王公以下及庶人第宅皆不得造樓閣臨人家庶人所造房舍不得過三間四架不得輒施裝飾

宋制

一凡公宇棟施瓦獸門設楹板諸州正衙門及城門並施鴟尾不得施拒鵲六品以上宅舍以作烏頭門父祖宅舍有者子孫許仍之凡民庶家不得施重拱操井及五色文采爲飾仍不得四鋪飛簷庶人屋舍許五架間一間兩厦而已

一凡屋舍非邸殿樓閣臨街市之處毋得爲四鋪作開闢入非品官毋得起門屋非宮室寺觀毋得彩畫棟宇及朱黔漆梁柱窓牖雕鏤柱礎一太祖詔自今觀察防禦團棟使刺史知州通判等罷任日具官舍有無破損及增修文帳以次交付其幕職州縣官得替日其曾修葺及創造屋宇曆子方許給由如損壞不完者殿一選一承平時在京官多無廨宇外任官有廨舍而新舊交承不容他官居占今復職事官並以見占屋宇爲廨舍更不知移易

